



劉隨州集卷第六


五言律詩

陪辛大夫西亭宴觀妓

歌舞憐遲日
旄麾映早春
鶯窺隴西將
花對洛陽人
醉罷知何事
恩深忘此身
任他行雨去
歸路裏香塵

題萬成江亭

蕭條芳歲晏
牢落對空洲
才出時人右
家貧湘水頭
蒼山隱暮雪
白鳥沒寒流
不是蓮花



府冥冥不可求

春過裴虬郊園

郊原春欲暮桃杏落紛紛何處隨芳草留家
寄白雲聽鶯情念友看竹恨無君長嘯高臺
上南風異爾聞

送韋贊善使嶺南

欲逐樓船將方安弁服夷炎洲經瘴遠春水
上瀧遲歲貢隨重譯年芳徧四時番禺靜無
事空詠飲泉詩

送喬判官赴福州

揚帆向何處插羽逐征東夷落人煙迥王程
鳥路通江流回澗底山色聚閩中君去凋殘
後應憐百越空

送李補闕之上都

獨歸西掖去難接後塵遊向日三千里朝天
十二樓路看新柳夕家對舊山秋惆悵離心
遠滄江空自流

送袁明府之任

既有親人術還逢試吏年蓬蒿千里閉村樹
幾家全雪覆淮南道春生潁谷煙何時當位
政相府待聞天

海鹽官舍早春

小邑滄洲吏新年白首翁一官如遠客萬事
極飄蓬柳色孤城裏鶯聲細雨中羈心早已
亂何事更春風

南湖送徐二十七西上

家在橫塘曲那能萬里違門臨秋水拚帆帶

夕陽飛傲俗宜紗帽平時倚布衣獨將湖上
月相逐去還歸

曲阿對月別岑况徐說

金陵已蕪沒函谷復煙塵猶見南朝月還隨
上國人白雲心自遠滄海意相親何事須成
別汀洲欲暮春

送李侍御貶鄱陽

迴車仍昨日謫去已秋風千越知何處雲山
只向東暮天江色裏田鶴稻花中却見鄱陽

吏猶應舊馬駘

送路少府使東京便應制舉

故人西奉使胡騎正紛紛舊國無來信春江
獨送君五言凌白雪六翮向青雲誰念滄洲
吏忘機鷗鳥群

松江獨宿

洞庭初下葉孤客不勝愁明月天涯夜青山
江上秋一官成白首萬里寄滄洲又被浮名
繫能無愧海鷗

尋白石山真禪師舊草堂

惆悵雲山暮閑門獨不開何時飛杖錫終日
閑蒼苔隔嶺春猶在無人燕亦來誰堪暝投
處空復一猿哀

送行軍張司馬罷使廻

時危身赴敵事往任浮沉末路三江去當時
百戰心春風吳苑綠古木剡山深千里滄波
上孤舟不可尋

喜李翰自越至

南浮滄海上萬里到吳臺久別長相憶孤舟
何處來春風催客醉江月向人開羨爾無羈
束沙鷗獨不猜

非所留繫寄張十四

不見君來久冤深意未傳冶長空得罪夷甫
豈言錢直道天何在愁容鏡亦憐因書欲自
訴無淚可潸然

送勤照和尚往睢陽赴太守請

燃燈傳七祖杖錫爲諸侯來去雲無意東西

水自流青山春滿目白日夜隨舟知到梁園
下蒼生賴此遊

長門怨

何事長門閉珠簾只自垂月移深殿早春向
後宮遲蕙草生間地梨花發舊枝芳菲自恩
幸看着被風吹

過橫顧山人草堂

只見山相揜誰言路尚通人來千嶂外犬吠
百花中細草香飄雨垂楊聞自風却尋樵徑

去惆悵綠溪東

送李校書適越謁杜中丞

江風處處盡旦暮水空波搖落行人去雲山
向越多陳蕃懸榻待謝客枉帆過相見耶溪
路透迤入薜蘿

秋夜雨中諸公過靈光寺所居

晤語青蓮舍重門閉夕陰向人寒燭靜帶雨
夜鍾沉流水從他事孤雲任此心不能捐斗
粟終日愧瑤琴

西庭夜燕喜評事兄拜會

猶是南州吏江城又一春隔簾湖上月對酒
眼中人棘寺初銜命梅仙已誤身無心羨榮
祿唯待却垂綸

尋南溪常山道人隱居

一路經行處莓苔見履痕白雲依靜渚春草
閉閑門過雨看松色隨山到水源溪花與禪
意相對亦忘言

揚州雨中張十宅觀妓

夜色帶春煙燈花拂更燃殘粧添石黛豔舞
落金鈿掩笑頻歌扇迎歌乍動絃不知巫峽
雨何事海西邊

赴宣州使院夜宴寂上人留辭前蘇

州韋使君

白雲乖始願滄海有微波戀舊爭趨府臨危
欲負戈春歸花殿暗秋傍竹房多耐可機心
息其如羽檄何

送薛承矩秩滿北遊

匹馬向何處北遊殊未還寒雲帶飛雪日暮
鴈門關一路傍汾水數州看晉山知君喜初
服祗愛此身閒

餞別王十一南遊

望君煙水闊揮手淚沾巾飛鳥沒何處青山
空向人長江一帆遠落日五湖春誰見汀洲
上相思愁白蘋

送嚴維尉諸暨

愛爾文章遠還家印綬榮退公兼色養臨下

帶鄉情喬木映官舍春山宜縣城應憐釣臺石閑卻為浮名

送崔處士先適越

山陰好雲物此去又春風越鳥聞花裏曹娥想鏡中小江潮易滿萬井水皆通徒羨扁舟客微官事不同

送李七之作水謁張相公

惆悵青春晚殷勤濁酒壚後時長劔澁斜日片帆孤東閣邀才子南昌老腐儒梁園舊相

識誰憶卧江湖

奉陪使君西庭送淮西魏判官

羽檄催歸恨春風醉別顏能邀五馬送自逐一星還破竹從軍樂看花聽訟閑遙知用兵處多在八公山

獄中見壁畫佛

不謂銜冤處而能窺大悲獨棲叢棘下還見雨花時地狹青蓮小城高白日遲幸親方便力猶畏毒龍欺

送許拾遺還京

萬里辭三殿金陵到舊居
文星出西掖卿月在南徐
故里驚朝服高堂捧詔書
暫容乘駟馬誰許戀鱸魚

送張七判官還京觀省

春蘭方可採此去葉初齊
函谷鶯聲裏秦山馬首西
庭闈新栢署門館舊桃蹊
春色長安道相隨入禁闈

送孫瑩京監擢第歸蜀觀省

適賀一枝新旋驚萬里分
禮闈稱獨步太學許能文
征馬望春草行人看暮雲
遙知倚門處江樹正氛氲

送史九赴任寧陵兼呈單父史八時
監察五兄初入臺

趨府弟聯兄看君此去榮
春隨千里道河帶萬家城
繡服棠花映青袍草色迎
梁園修竹在持贈結交情

卧病喜田九見寄

卧來能幾日春事已依然不解謝公意翻令
靜者便庭陰殘舊雪柳色帶新年寂寞深村
裏惟君相訪偏

重送宣峯寺山房寄靈一上人

西陵潮信滿島嶼入中流越客依風水相思
南渡頭寒光生極浦暮雪映滄洲何事揚帆
去空驚海上鷗

雲門寺訪靈一上人

所思勞日夕惆悵去西東禪客知何在春山
到處同獨行殘雪裏相見白雲中請近東林
寺窮年事遠公

送陸羽之茅山寄李延陵

延陵衰草遍有路問茅山雞犬驅將去煙霞
擬不還新家彭澤縣舊國穆陵關處處逃名
姓無名亦是閒

寄靈一上人初還雲門

寒霜白雲裏法侶自相携竹邈通城下松風
隔水西方同沃洲去不作武陵迷髮鬢知心

處高峰是會稽

寄靈一上人

高僧本姓竺開士舊名林一去春山裏平峰
不可尋新年芳草遍終日白雲深欲徇微官
去懸知訝此心

送韓司直

遊吳還入越來往任風波復送王孫去其如
春草何岸明殘雪在潮滿夕陽多季子遺留
廟停舟試一過

酬李郎中夜登蘇州城樓見寄

辛勤萬里道蕭索九秋殘日照閩中夜天凝
海上寒客程無地遠主意在人安遙寄登樓
作空知行路難

送人遊越

未習風波事初爲吳越遊露沾湖色曉月照
海門秋梅市門何在蘭亭水尚流西陵待潮
處落日滿航舟

贈普門上人

支公身欲老長在沃洲多惠力堪傳教禪心
久伏魔山雲隨坐夏江草伴頭陀借問迴心
後賢愚去幾何

送康判官往新安

不向新安去那知江路長
猿聲近廬霍水色勝瀟湘
驛路收殘雨漁家帶夕陽
何須愁旅泊使者在輝光

送裴二十一

多病長無事開筵暫送君
正愁帆帶雨莫望水連雲
客思閑偏極川程遠更分
不須早晚惆悵又離群

送顧長

由來山水客復道向新安
半是乘潮便全非行路難
晨裝林月在野飯浦沙寒
巖子千年後何人釣舊灘

九日登李明府北樓

九日登高望蒼蒼遠樹低
人煙湖草裏山翠縣樓西
霜降鴻聲切秋深客思迷
無勞白衣

酒陶令自相攜

同諸公登樓

秋草行將暮登樓客思驚千家同霽色一鴈
報寒聲北望無鄉信東遊滯客行今君佩銅
墨還有越鄉情

送友人南遊

不愁尋水遠自愛逐連山雖在春風裏猶從
芳草間去程何用計勝事且相關旅逸同群
鳥悠悠往復還

送張判官罷使東歸

白首辭知己滄洲憶舊居落潮迴野艇積雪
卧官廬范叔寒猶在周王歲欲除春山數畝
地歸去帶經鉏

早春

微雨夜來歇江南春色迴本驚時不住還恐
老相催人好千場醉花無百日開豈堪滄海
畔爲客十年來

送青苗鄭判官歸江西

三苗餘古地五稼滿秋田來問周公稅歸輸
漢棒錢江城寒背日益水暮連天南楚凋殘
後疲民賴爾憐

過包尊師山院

賣藥曾相識吹簫此復聞杏花誰是主桂樹
獨留君漱玉臨丹井圍碁訪白雲道經今爲
寫不慮惜鵝群

故女道士婉儀太原郭氏挽歌詞

作範宮闈睦歸真道藝超馭風仙路遠昔日
帝宮遙鸞殿空留處霓裳已罷朝淮王哀不
盡松柏但蕭蕭

其二

宮禁恩長隔神僊道已分人間驚早露天
上失朝雲遊水年無恨佳城日易曛簫聲將
曲哀斷不堪聞

少年行

射飛誇侍獵行樂愛聯鑣薦枕青蛾豔鳴鞭
白馬驕曲房珠翠合深巷管絃調日晚春風

裏木香滿路飄

歸弋陽山居留別盧邵二侍御

渺渺歸何處
汭流附客船
久依鄱水住
頻稅越人田
偶俗機偏少
安閒性所便
祇應君少慣
又欲寄林泉

赴江西湖上贈皇甫曾之宣州

莫恨扁舟去
川途我更遙
東西潮渺渺
離別雨蕭蕭
流水通春谷
青山過板橋
天涯有來客
遲爾訪魚樵

湘中紀行五首

湘妃廟

荒祠古木暗
寂寂此江濱
未作湘南雨
知爲何處雲
苔痕斷珠履
草色帶羅裙
莫唱迎仙曲
空山不可聞

斑竹巖

蒼梧在何處
斑竹自成林
點點留殘淚
枝枝寄此心
寒山響易滿
秋水影偏深
欲覓樵人路
蒙籠不可尋

洞山陽

舊日仙成處荒林客到稀
白雲將犬去芳草任人歸
空谷無行徑深山少落暉
桃園幾家住誰為掃荆扉

雲母溪

雲母映溪水溪流知幾春
深歲武陵客時過洞庭人
白髮慙皎鏡清光媚齋
淪寥寥古松下歲晚掛頭中

赤沙湖

茫茫蒹葭外一望一霑衣
秋水連天闊潯陽何處歸
沙鷗積暮雪川日動寒暉
楚客來相問孤舟泊釣磯

過鄔三湖上書齋

何事東南客忘機一釣竿
酒香開甕老湖色對門寒
向郭青山送臨池白鳥看
見君能浪跡予亦厭微官

劉隨州集卷第七

五言排律

題大理黃主簿湖上高齋

閉門湖水畔自與白鷗親
竟日窓中岫終年林下人
俗輕儒服弊家厭法官
貧多雨茅簷夜空洲草徑
春桃源君莫愛且作漢朝臣

送鄭說之歙州謁薛侍郎

漂泊來千里謳謠滿百城
漢家尊太守魯國重諸生
俗變人難理江傳水至清
船經危石



住路入亂山行老得滄洲趣春傷白首情嘗
聞馬南郡門下有康成

題獨孤使君湖上林亭

出樹倚朱闌吹鑊引上官老農持鉞拜時稼
捲簾看水對登龍淨山當建隼寒夕陽湖草
動秋色渚田寬渤海人無事荊州客獨安謝
公何足比來往古門難

酬李使君見贈

滿鏡悲華髮空山寄此身白雲家自有黃卷
業長貧懶任垂竿老狂因釀黍春桃花迷聖
代桂樹狎幽人幢蓋方臨郡柴荆忝作鄰但
愁千騎至石路卻生塵

送嚴維赴河南充嚴中丞幕府

久別耶溪客來乘使者軒用才榮入幕扶病
喜同樽山屐留何處江帆去獨翻暮情辭鏡
水秋夢識雲門蓮府開花萼桃園寄子孫何
當舉嚴助徧沐漢朝恩

棲霞寺東峯尋南齊明徵君故居

山人今不見山鳥自相從長嘯辭明主終身
卧此峰泉源通石逕磻戶掩塵容古墓依寒
草前朝寄老松片雲生斷壁萬壑遍踈鍾惆
悵空歸去猶疑林下逢

酬包諫議見寄之什

佐郡愧頑踈殊方親里閭家貧寒未度身老
歲將除過雪山僧至依陽野客舒藥陳隨遠
宦梅發對幽居落日棲鴉鳥行人遺鯉魚高
文不可和空愧學相如

奉和趙給事使君留贈李婺州舍人

兼謝舍人別駕之什

便道訪情親東方千騎塵禁深分直夜地遠
獨行春絳闕辭明主滄洲識近臣雲山隨候
吏鷄犬逐歸人庭顧婆娑老邦傳蔽芾新玄
暉翻佐理聞到郡齋頻

行營酬呂侍御時尚書問罪襄陽軍

次漢東境上侍御以州鄰寇賊復有
水火迫於征稅詩以見諭

不敢淮南卧來趨漢將營受辭瞻左鉞扶疾
拜前旌并稅鶉衣樂壺漿鶴髮迎水歸餘斷
岸烽至掩孤城晚日歸千騎秋風合五兵孔
璋才素健早晚檄書成

登遷仁樓訓壻李穆

臨風敞麗譙落日聽吹鐃歸路空迴首新章
已在腰非才受官謗無政作人謠儉歲安三
戶餘年寄六條春蕪先楚國古樹過隋朝賴
有東牀客池塘免寂寥

長沙早春雪後臨湘水呈同游諸子
汀洲暖漸綠煙景淡相和舉目方如此歸心
豈柰何日華浮野雪春色染湘波北渚生芳
草東風變舊柯江山古思遠猿鳥暮情多君
問漁人意滄浪自有歌

自道林寺西入石路至麓山寺過法
崇禪師故居

山僧候谷口石路拂莓苔深入泉源去遙從
樹杪回香隨青靄散鍾過白雲來野雪空齋

掩山風古殿開桂寒知自發松老問誰栽
悵湘江水何人更渡杯

和袁郎中破賊後軍行過劉中山水
謹上太尉

剡路除荆棘王師罷鼓鼙農歸滄海畔
圍解赤城西赦罪春陽發收兵太白
低遠峯來馬首橫
笛入猿啼蘭渚催新幄桃源識故蹊
已聞開閣待誰許卧東溪

送鄭十二還廬山別業

潯陽數畝宅歸卧掩柴關谷口何人待
門前秋草閑忘機賣藥罷無語杖藜還
舊筇成寒竹空齋向暮山水流經舍下
雲去到人間桂樹花應發因行寄一攀

至饒州尋陶十七不在寄贈

謫宦投東道逢君已北轅孤蓬向何處
五柳不開門去國空迴首懷賢欲訴冤
梅枝看嶺嶠竹路過湘源月下高秋鴈
天南獨夜猿離心與流水萬里共朝昏

奉陪鄭中丞自宣州解印與諸姪宴

于後谿

跡遠親魚鳥功成厭鼓鼙林中阮生集池上
謝公題戶牖垂藤合藩離插槿齊夕陽山向
背春草水東西度雨諸峰出看花幾路迷何
勞問秦漢更入武陵谿

同諸公索郎中宴筵喜加章服

手詔來筵上腰金向粉闈勳名傳舊閣蹈舞
着新衣白社同遊在滄洲此會稀寒笳發後
殿秋草送西歸世難常摧敵時閑已息機魯
連功可讓千載一相揮

毗陵送鄒結先赴河南充判官

王事相逢少雲山柰別何芳年臨水怨瓜步
上湖過客路方經楚鄉心共渡河凋殘春草
在離亂故城多罷戰逢時秦輕徭佇俗和東
西此分手惆悵恨煙波

送徐大夫赴廣州

上將壇場拜南荒羽檄招遠人來百越元老

事三朝霧繞龍山暗山連象郡遙路分江淼
森軍動馬蕭蕭畫角知秋氣樓船逐暮潮當
令輸貢賦不使外夷驕

九日蔡國公主樓

主第人何在重陽客暫尋水餘龍鏡色雲罷
鳳蕭音暗牖歲昏曉蒼苔換古今晴山卷幔
出秋草閉門深籬菊仍新吐庭槐尚舊陰年
年畫梁燕來去豈無心

送荀八過山陰舊縣兼寄剡中諸官

訪舊山陰縣扁舟到海涯故林嗟滿歲春草
憶佳期晚景千峯亂晴江一鳥遲桂香留客
處楓暗泊舟時舊石曹娥篆空山夏禹祠剡
谿多隱吏君去道相思

奉餞元侍即加豫章採訪兼賜章服

任重蕪烏府時平偃豹韜澄清湘水變分別
楚山高花對彤檐發霜和白雪操黃金裝舊
馬青草換新袍嶺暗猿啼月江寒鷺映濤豫
章生宇下無使翳蓬蒿

向三湘水與荆巫接山通鄂郢長名美黃綬
繫身是白眉郎獨結南枝根應思北鴈行憂
來沽楚酒左鬢莫疑霜

無錫東郭送友人遊越

客路風霜曉郊原春興餘平蕪不可望遊子
去何如煙水乘湖閣雲山逼越初舊都懷作
賦古穴覓藏書碑缺曹娥宅林荒逸少居江
湖無限意非獨為樵漁

送邵州判官往南

看君發原隰駟牡志皇皇始罷滄江令還隨
粉署郎海沂軍未息河兗歲仍荒征稅人全
少榛蕪虜近亡新知行宋遠相望隔淮長早
晚裁書寄銀鈎佇八行

同姜濬題裴式微餘干東齋

世事終成夢生涯欲半過白雲心已矣滄海
意如何藜杖金吾道榴花養太和春風騎馬
醉江月釣魚歌散帙看蟲蟲開門見雀羅遠
山終日在芳草傍人多吏體生傲方言楚

俗訛屈平君莫弔腸斷洞庭波

贈元容州

擁旌臨合浦上印卧長沙海徼長無戍湘山
獨種畬政傳通歲貢才惜過年華萬里依孤
劍千峰寄一家累徵期旦暮未起戀煙霞避
世歌芝草休官醉菊花舊游如夢裏此別是
天涯何事滄波上漂漂逐海槎

夏口送長寧揚明府歸荆南因寄幕

府諸公

關西楊太尉千載德猶聞白日終俱老清風
獨至君身承遠祖後才出衆人羣舉世貪荆
玉全家戀楚雲向煙帆杳杳臨水葉紛紛草
覆昭丘綠江從夏口分高名光盛府異姓寵
殊勲百越今無事南征欲罷軍

奉和杜相公新移長興宅呈元相公
間世生賢宰同心奉至尊功高開北第機靜
灌中園入並蟬冠影歸分騎士喧窓聞漢宮
漏家識杜陵源獻替常焚藁優閒獨對萱花

香遂荀令草色對王孫有地先開閣何人不
掃門江湖難自退明主託元元

湖南使還留辭辛大夫

王師勞近甸兵食仰諸侯天子無南顧元勲
在上游大才生闡氣盛業極橫流風景隨搖
筆山川入運籌羽觴交餞席旄節對歸舟驚
識春深恨援知日去愁別離花寂寂南北水
悠悠唯有家兼國終身去所憂

送姚八之句容舊任便歸江南

故人還水國春色動離憂碧草千萬里滄江
朝暮流桃花迷舊路萍葉蕩歸舟遠戍看京
口空城問石頭折芳任屨地望月西南樓遠
鳥共孤嶼煙波連數州誰家過楚老何處戀
江鷗尺素能相報湖山若箇幽

劉隨州集卷第八

五言排律

同郭叅謀詠崔僕射淮南節度使廳
前竹

昔種梁王苑今移漢將壇
蒙籠低冕過青翠
捲簾看得地移根
遠經霜抱節難
開花成鳳實
嫩筍長魚竿
藹藹軍容靜
蕭蕭郡宇寬
細音和角暮
踈影上門寒
湘浦何年變
山陽幾處殘
不知軒屏側
歲晚對袁安

按覆後歸睦州贈苗侍御

地遠心難達天高謗易成羊腸留覆轍虎口
脫餘生直氏偷金枉于家決獄明一言知已
重片議殺身輕日下人誰憶天涯客獨行年
光銷蹇步秋氣入衰情建德知何在長江問
去程孤舟百口渡萬里一猿聲落日開鄉路
空山向郡城豈令冤氣積千古在長平

奉寄婺州李使君舍人

建隼罷鳴珂初傳來暮歌漁樵識太古草樹
得陽和東道諸生從南依遠客過天清婺女
出土厚絳人多未日空相望流年復幾何崖
開當夕照葉去逐寒波眼暗經難受身閑劍
懶磨似鶚占賈誼上馬試廉頗窮分安藜藿
衰容勝薜蘿只應隨越鳥南翥託高柯

哭魏兼遂

古今俱此去修短竟誰分樽酒空如在絃琴
肯重聞一門同逝水萬事共浮雲舊館何人
宅空山遠客墳艱危貧且共少小秀而文獨

行依窮巷全身出亂軍
歲時長寂寞煙月自
氛氳壠樹隨人古山門對日曛
汎舟悲向子
留劔贈徐君來去雲陽路
傷心江水濱

負謫後登干越亭作

天南愁望絕亭上柳條新
落日獨歸鳥孤舟
何處人生涯投轄微世業
陷胡塵江入千峯
暮花連百越春秦臺悲白首
楚澤怨青蘋草
色迷征路鶯聲傍
逐臣獨醒翻引笑
直道不容身得罪
風霜苦全生天地仁
青山數行淚

滄海一窮鱗牢落機心盡
惟憐鷗鳥親

留題李明府雪溪水堂

寥寥此堂上幽意復誰論
落日無王事青山
在縣門雲峰向高枕
漁釣入前軒晚竹疎
簾影春苔雙履痕
荷香隨坐卧湖色映晨昏
虛牖閑生白鳴琴靜對言
暮禽飛上下春水帶
清渾遠岸誰家柳孤煙
何處村謫居投瘡癘
離思過湘沅從此扁舟去
誰看江浦猿

禪智寺上方懷演上人

絕巘東林寺高僧惠遠公買園隋苑下持鉢
楚城中斗極千燈近煙波萬井通遠山低月
殿寒木露花宮紺宇焚香淨滄洲擺霧空鴈
來秋色裏曙起早潮東飛錫今何在蒼生待
發蒙白雲翻送客庭樹自辭風捨筏追閑士
迴舟狎釣翁平生江海意惟共白鷗同

賈侍郎自會稽使迴篇什盈卷兼蒙
寄一首與余有掛冠之期因書數事
率成十韻

江上逢星使南來自會稽驚年一葉落按俗
五花嘶上國悲蕪梗中原動鼓顰報恩看鐵
劔銜命出金閨風物催歸緒雲峰發詠題天
長百越外潮上小江西鳥道通閩嶺山光落
剡溪暮帆千里思秋夜一猿啼栢樹榮新壠
桃源憶故蹊若能爲休去行復草萋萋

秋日夏口步漢陽獻李相公

日望衡門處心知漢水濱偶乘青雀舫還在
白鷗群間氣生靈秀先朝翼戴勲歲弓身已

退焚藁事難聞舊業成
青草全家寄白雲
松蘿長稚子風景逐
新文山帶寒城出江
依古岸分楚歌悲遠
客羗笛怨孤軍鼎罷
調梅久門看種藥勤
十年猶去國黃葉又
紛紛

哭張負外經

慟哭鍾陵下東流與
別離二星來不返雙
劍沒相隨獨繼先賢
傳誰刊有道碑故園
荒峴曲旅櫬寄天涯
白簡曾連拜滄洲每
共思撫孤憐齒稚歎
逝顧身衰泉壤成終
古雲山若

在時秋風隣笛發寒
日寢門悲世難愁歸
路家貧緩葬期舊賓
傷未散夕臨咽常遲
自此辭張邵何由見
戴逵獨聞山吏部流
涕訪孤兒

奉送從兄罷官之淮南

何事浮溟渤元戎棄
鎬鄒漁竿吾道在鷗
鳥世情賒玄髮他鄉
換滄洲此路遐沂沿
隨桂檝醒醉任松花
離別誰堪道艱危更
可嗟兵鋒搖海內玉
命隔天涯鍾漏移長
樂衣冠接

永嘉還當拂氛祲那復卧雲霞溪路漫岡轉
夕陽歸鳥斜萬艘江縣郭一樹海人家揮袂
看朱紱揚帆指白沙春風獨迴首愁思極如
麻

落第贈楊侍御兼拜員外仍充安大

夫判官赴范陽

職副旌旄重才兼識量通使車遙肅物邊策
遠和戎擲地金聲著從軍寶劍雄官成稽古
力名達濟時功肅穆烏臺上雍容粉署中含

香初待漏持簡舊生風黠吏偏驚隼貪夫輒
避駘且知榮已隔誰謂道仍同念舊追連茹
謀生任轉蓬泣憐三獻玉瘡懼再傷弓戀土
函關外瞻塵灞水東他時書一札猶冀問途
窮

貶南巴至鄱陽題李嘉祐江亭

巴嶠南行遠長江萬里隨不才甘謫去流水
亦何之地遠明君棄天高酷吏欺青山獨往
路芳草未歸時流落還相見悲懽話所思猜

嫌傷蕙苴愁暮向江籬柳色迎高塢荷衣照
下帷水雲初起重暮鳥遠來遲白首看長劔
滄洲寄釣絲沙鷗驚小吏明月上高枝稚子
能吳語新文怨楚辭憐君不得意川谷自逶
迤

罷攝官後將還舊居留辭李侍御

江海今爲客風波失所依白雲心已負黃綬
計仍非累辱群公薦頻霑一尉微去緣焚玉
石來爲采葑菲州縣名何在漁樵事亦違故

山桃李月初服薜蘿衣熊軾分朝寄龍韜解
賊圍風謠傳吏體雲物助兵威白雪飄辭律
青春發禮闈引軍橫吹動援翰捷書揮草映
翻營綠花臨檄羽飛全吳爭轉戰狂虜怯知
機憶昨趨金節臨時廢玉徽俗流應不厭靜
者或相譏世難慵干謁時閑喜放歸潘郎悲
白髮謝客愛清輝樗散材因棄交親迹已稀
獨愁看五柳無事掩雙扉世累多行路生涯
向釣磯榜連溪水碧家羨渚田肥旅食傷飄

梗巖棲憶采薇悠然獨歸去迴首望旌旗

瓜洲驛奉餞張侍御公拜膳部郎中
却復憲臺充賀蘭大夫留後使之嶺
南時侍御先在淮南幕付

太華高標峻青陽淑氣盤屬辭傾渤澥稱價
掩琅玕揚葉頰推中芸香早拜官後來慙轍
跡先達仰門闌佐劇勞黃綬提綱疾素餐風
生趨府步竿偃觸邪冠骨鯁知難屈鋒鋷豈
易干佇將調玉鉉翻自落金丸異議那容直

專權本畏彈寸心寧有負三黜竟無端適喜
鴻私降旋驚羽檄攢國憐朝市易人怨虎狼
殘天地龍初見風塵虜未殫隨川歸少海就
日昔長安副相榮分寄輸忠義不刊擊胡馳
汗馬遷蜀扈鳴鑿月罷名卿署星懸上將壇
三軍搖旆出百越畫圖觀茅茹能相引泥沙
肯再蟠燕榮知任重交辟許才難勁直隨臺
栢芳香動省蘭壁從全趙去鵬自北溟搏星
象銜新寵風霜帶舊寒是非生倚伏榮辱繫

悲歡疇昔偏殊眊屯蒙獨永嘆不才成擁腫
失計似邯鄲江國傷移律家山憶考槃一為
鷗鳥誤三見露華團迴首青雲裏應憐濁水
瀾愧將生事托羞向髮毛看知己傷愆素他
人自好丹鄉春連楚越旅宿寄風湍世路東
流水滄江一釣竿松聲伯禹穴草色子陵灘
度嶺情何遽臨流興未闌梅花分路遠楊子
上潮寬夢想懷依倚煙波限渺漫且愁無去
鴈寧冀少迴鸞極浦春帆迥空郊晚騎單獨

憐南渡月今夕送歸鞍

至德三年春正月時謬蒙差攝海鹽
令聞王師收二京因書事寄上浙西
節度李侍郎中丞行營五十韻

天上胡星孛人間反氣橫風塵生汗馬河洛
縱長鯨本謂才非據誰知禍已萌食參將可
待誅錯輒為名萬里兵鋒接三時羽檄驚負
恩殊鳥獸流毒遍黎氓朝市成蕪沒干戈起
戰爭人心懸反覆天道暫虛盈略地侵中土

傳烽到上京王師陷魑魅帝座逼攙搶渭水
嘶胡馬秦山泣漢兵關涼馳萬騎煙火亂千
薨鳳駕瞻西幸龍樓議北征自將行破竹誰
學去吹笙白日重輪慶玄穹再造榮鬼神潛
釋憤夷狄遠輸誠海內戎衣卷關中賊壘平
山川隨轉戰草木困橫行區宇神功立謳歌
帝業成天迴萬象慶龍見五雲迎小苑春猶
在長安日更明星辰歸正位雷雨發殘生文
物登前古簫韶下太清未央新柳色長樂舊

鍾聲八使推邦彥中司案國程蒼生屬伊呂
明主仗韓彭凶醜將除蔓奸豪已負荆世危
看柱石時難識忠貞薄伐徵貔虎長驅擁旆
旌吳山依重鎮江月帶行營金石懸詞律煙
雲動筆精運籌初減竈調鼎未和羹北虜傳
初解東人望已傾池塘催謝客花木待春卿
昔忝登龍首能傷困驥鳴艱難悲仗劍提握
喜懸衡巴曲誰堪聽秦臺自有情遂令辭短
褐仍欲請長纓父客田園廢初官印綬輕榛

燕上國路苔蘚北山楹懶慢羞趨府驅馳憶
退耕榴花無暇醉蓬髮帶愁縈地僻方言異
身微俗慮并家憐雙鯉斷才媿小鱗烹滄海
今猶滯青陽歲又更洲香生杜若谿暖戲鷓
鶉煙水宜春候塞關值晚晴潮聲來萬井山
色映孤城旅夢親喬木歸心亂早鶯僅無知
已在今已訪蓬瀛

劉隨州集卷第八



